

廣雁蕩山誌卷九

寺宇 東內谷

寺 附菴院

靈巖寺

十八刹之一

朱志在東內谷太平興國四年僧行亮

神昭朗

神

挈瓶荷錫共訪幽竒得雁山安禪谷居焉

新市蔣光贊為建殿宇寺之山水靈秀名聞京師

宗命中貴人持御書五十二卷賜於寺咸平十二年

賜額靈巖禪寺天聖十年仁宗賜藏經

凡千卷皆金字

元

正間遭兵燹經書亦無存者至明洪武八年僧道

廣雁蕩山誌

卷九

寺宇 東內谷

一

重建二十四年歸併成叢林後圯督撫徐公斌重建

施志在東谷屏霞障下高大匹能仁寺四圍羣峰環

列位置天成南宋初僧敏行主席重修殿宇後改賜

壽昌禪寺以供億不支降教院未幾僧若容重興又

復靈巖禪寺額元末遭兵燹明洪武間重建隆慶間

圯萬歷戊子僧圓魁再建明末復圯 國朝雍正間

僧妙文仍於安禪谷外闢地創屋以居其徒再建殿

宇乾隆戊子年閩浙總督崔應階捐俸多金重建大

殿後調內部未得落成僧亦不終其事



廣雁蕩山誌

卷九

寺宇

東內谷

二

宋鄭尚文勅賜靈巖寺額碑記按釋氏書有大阿羅漢與八百眷屬居南瞻部洲自西教東流歷數百載人莫有知其所者皇宋太平興國四年有僧行亮神昭挈瓶荷錫共訪幽竒至温州樂清山門鄉見西有巨山穹崇巉峯瞻仰愕胎即相與因溪水之源尋山足而入披榛冒灌行經七日林巖隙時見異峯貪竒極勝舊徑屢迷如是為雁蕩山頂有蕩不知大小乃旁詢者老則曰是為雁蕩山頂有蕩不知大小秋多鴻雁飛集其上餘波洩注流為飛泉高自雲霓懸瀉數道以是名也傳聞故老中有龍湫亦莫窮其源也亮昭二僧因卜棲止乃芟蘿導徑誅蕭剪薄巧米近村鳩工刊木闢塞發巖極勞苦逾年之後山無遁形巖穴之前地平如砥幅幘千步天設穹基穎峯秀巒環匝列但見白猿金雀飛棲雲樹藁氣圓光映射林嶺時即有新市居人樂安蔣光贊者賞產豐茂樂為勝事觀茲靈境首構梵刹曰亮與昭在持伊始後于廣藏中得古禪月大師貫休嘗著羅漢讚文至第五諾詎那尊者篇中有雁蕩經行雲漠漠龍湫宴坐雨濛濛之句則是山也既各雁蕩而龍湫在焉而後知南瞻部洲羅漢所居即此山也至道中命書五十二軸賜之而去自是緇侶稍集今咸平中有僧正因抗表上聞以名為請翊日降勅賜額靈巖寺自太平興國已卯行亮神昭經始之厥後光贊正因修飾之中開神昭既逝行亮力募檀信增嚴佛乘塑像範鐘廊堂安眾門宇宏敞厨庫精密而光贊之子曰文濬嗣成先志捨錢百萬鼎新堂構至是四十年為屋百餘間費錢五百萬由是寺宇大備東南縣所刻宋吳元美勾漏洞天十記讀之謂其石峯轟立巖穴勾穿卓絕雄傑非毫楮所及心甚異之恐世間無此也後又得遊名山記中有元李孝光雁山十記謂緊絳芒鞋行一月彷彿見得皮膚耳心益異之此真與勾漏競勝者自南雍謝事歸家每風恬日和出步郊野間見清溪白石綠草蒼松欣然會心因念勾漏在西南萬里外即葛稚川不能到已矣雁山在

廣雁蕩山誌

卷九

寺宇 東內谷

三

東甌去四明僅數日程杖策可至何空爾夢遊也遂
 決意一往適少司馬中丞溫公行部至嶺店驛舍遊
 相見歡然道舊明旦從入雁山而天雨雲霧冒山頂
 不可辨然所經石梁洞靈峯靈巖龍湫谷則固神劇
 鬼削奇詭不可名狀時司馬公冒雨先去余獨留宿
 明日雨霽上下流覽則峯巒洞壑吐露頭面指點難
 遍卽勾漏信有當亦無以過之始知僅得皮膚者之
 非虛也留數日僧圓魁備言往時有十八寺有田數
 千頃今寺宇盡圯田皆入民家圓魁自金陵來結茅
 而棲乞食而食也余謂此寺與田必皆當時達官貴
 人所施捨者古今人一也何今人遽不古若耶相與
 嘆息而別歸家數月念未嘗不在雁山中也一日圓
 魁忽持疏簿至力請所以爲興復者余思有頻婆娑
 羅乃能立竹園精舍有須達乃能買祇陀園地當今
 誰可語此獨平湖五臺尚書也乃具書令圓魁往請
 果得百金并以法任說見貽司馬公亦給以二百金
 然工役頗鉅事力難贍夫不有創始後將何因不有
 多助始將何成今五臺公始之矣更望高賢達士相

與助而成之也雁山僻在東南海際舟車所罕到或
 以遠不相及爲疑然余嘗遊岱宗亦有靈巖寺親見
 河南北淮東西及關陝川蜀之人日接踵至施捨不
 倦蓋山川靈秀與人之精神默相通感豈必以遠近
 爲間隔耶竊謂天地間有雁蕩則必有阿羅漢如諾
 詎那者爲之啟道場有道場則必有戒行僧如行亮
 神昭者爲之興殿宇有殿宇則必有喜緣事如蔣光
 贊者爲之助贊力與者不能不廢而廢者不得不興
 造化旋轉原自有不可測者今圓魁雖不盡解經而
 願力堅忍持齋守戒不少渝未必非今之行亮神昭
 也雁蕩之興此或其時余恐蕩蕩所至不甚取信故
 爲述其緣起如此以告夫樂爲蔣光贊者宜光美遊
 靈巖寺記余輩旣覽西谷諸勝出能仁行五里陟馬
 鞍嶺入東內谷肩輿從坦道行飛巖陡壁突怒偃蹇
 爭爲怪狀者聯絡數里應接不暇谷中多茶圃值花
 盛開浮香襲人村居錯落隱見丹楓翠竹間田翁饁
 婦絡繹不絕恍入桃源聞秦人雞犬稍折由排嶂夾
 道而入至靈巖寺峯巒環匝自成堂奧儼若武庫森

廣雁蕩山誌

卷九

寺宇 東內谷

四

列寺之陽稍左為展旗峯紫崖橫巨羸里勢甚雄也
 峯上有洞曰天聰喙然而虛投石似響囊中莫知所
 底罅內微光相射晚之覺蓬蓬風出稍右為天柱峯
 雄峙巨霄挾光景而薄星辰大可數畝許其頂古木
 糾錯離奇茂飢如虬虺狀此峯為靈巖諸勝第一寺
 比峭壁數百丈展列如屏曰屏霞障斐然錯五色
 組得夕陽輝映為益奇障下得谷曰安禪中敞如室
 僧神朗所居由谷西數百步盤磴而上得洞曰龍鼻
 水中劃碧石作龍狀鱗甲爪牙儼然具體長可千尺
 許鼻作孔下垂孔中注髓時下涓滴不啻沆瀣之液
 此造化神刃所最異誠可紀之齊諧夷堅諸怪志者
 去洞數十丈一峯斗立曰獨秀頂冠孤松曉靄如垂
 其他諸峯曰玉女曰卓筆曰雙鸞曰凌雲曰僧拜石
 曰鉢孟曰石屏曰玉蟾蜍或天矯肖像或壁立鏡天
 咸會匝於琳宮左右至西北繞峯而入中間巨壑則
 小龍湫也挂泉可與霧瀑爭上下而潭則過之其幹
 風變態當以大龍湫甲勝至若杳嶂透邃罔巒巖
 則又與大龍湫異是日天朗氣清萬峯畢露巒巖含

輝紫綠萬狀乃命酒選勝藉地而酌西影盡沒更命
 燭以繼笑言甚懽夜分乃罷宿寺之精舍
 宋王十朋宿靈巖贈長老敏行詩藍輿謝公嶺杖屨
 詎那室淨名訪維摩一庵僅容膝尋僧畫屏中往往
 多八秋平生看不足靈巖最奇絕老禪蜀中來心印
 得佛日脚力窮天下稱此為第一茲山昔未開藏闕
 最深密倘不遇聖朝造物肯容出孫公賦天台勝地
 尚遺佚我欲續金聲願借山中筆趙抃靈巖寺詩雁
 蕩林泉天下奇謝公不到未逢時碧霄萬壑千巖好
 今日來遊盡得之薛嵎靈巖寺詩千巖稜骨露隨怪
 各生形目力到天盡心旌倚佛寧夜鐘傳谷杳石氣
 逼燈青崖腹癩猴任多年性亦靈明葉良佩宿靈巖
 詩貪奇留宿靈巖寺東谷雲收雨乍晴天柱峯頭觀
 出日玉人洞口聽吹笙醉緣鳥道窮愁散渴飲龍湫
 肺疾平尚憶蓬萊多勝境揮毫萬里獨含情李顯靈
 巖寺詩一徑透迤入翠微雲間鐘磬出巖扉甘泉細
 向方塘落白鶴遙依碧嶂飛瑤草春風迷藥鼎曇花
 天雨散珠璣尋幽更上峯頭宿萬疊青嶺擁四圍許

廣雁蕩山誌

卷九

寺宇 東內谷

五

邦才靈巖寺詩澗壑紫迴繞梵宮諸天色相坐來同
 巖崖陰積千年雪鈴鐸宵聞十里風寺抱五雲金界
 麗塔銜孤月玉毫空石僧東嶺緣何事似指蓮花問
 朗公侯一元靈巖寺詩靈巖精舍雁湖隈杖履曾隨
 返照來玉倚芙蓉天外直霞圍屏障日邊開溪雲竊
 宛通禪榻池月蒼涼印劫灰試向雙鸞問消息羽人
 笙鶴幾時迴至叔果靈巖寺詩覽勝名山興未醜
 輿到處恣幽探千尋丹壁開霞障一簇奇峯護佛龕
 石罅龍蟠垂玉髓崖端僧臘禮金函酒闌日落渾忘
 去坐看松枝月半含皇南淨宿靈巖寺詩寥寥到真
 境宿處傍風泉遙靄引疎磬羣峯寒暮天白雲滄
 賞清夜石門禪却笑桃源客空從蕙路旋張允中題
 靈巖寺詩曉入靈巖寺靈蹤一一穿天聰豔混沌龍
 鼻滴潺湲不雨山長濕微風谷穀宣鸞旗開障日
 枉仰擎天雁異靈山鷲蒲非華頂蓮重臺疑魏載卓
 筆定張顛夜月連千嶂晴雲盡一川詎那常宴坐行
 亮昔安禪共樂仙遊地都將世事捐雙鸞如我跨擬
 把石碑鐫項日葵同葉義琢宿靈巖寺詩十年結得

此青山一度花開一往還湖頂有雲生絕磴禪關無
 夢到塵寰雨餘石洞邀龍宿月上松林趁鶴閒達曙
 酣歌君莫訝明朝身已落人間至土昌靈巖寺詩絕
 壁沿迴勢若墉青天忽墮翠芙蓉地雄轉覺林巒壯
 雲靜方知澗壑重屏隱霞標迎玉女崖懸石乳挂蒼
 龍雁湖更在諸峯外躡勝還須九節筇冥守靈岩寺
 詩絕獻躡攀叩上乘西風吹雨破炎蒸花明雙樹來
 馴鶴雲鎖孤龕入定僧覽勝諸峯扶杖錫翻經五夜
 借傳燈即看車馬風塵裡擬向珠林思不勝邵倬靈
 巖寺詩亭午籃輿冒暑來眼中圖畫自天開山藏古
 寺千林靜瀑瀉懸崖萬壑哀仙境未應終窅渺几蹤
 能得幾徘徊向來詞客俱塵土處處荒碑繡絲苔項
 守祖靈巖寺詩巖巒曉霽濕嵐浮勝節僧人作勝遊
 法界但看金布地仙家誰羨玉為樓蕭蕭一夜雨初
 足颯颯萬峯泉亂流中歲放情霄漢外扶筇屐屐遍
 靈邱吳國光同鄭無功耐靈巖寺詩幽洞層崖舊有
 各同遊此日若為情十洲島嶼元仙關東海芙蓉刁
 化城雁蕩流霞凝繡色龍湫飛瀑颯秋聲尊前詞客

真能賦俗吏忽忙愧未成 去年九月聚清溪今日
靈巖共一樽石筍千尋凌漢外芙蓉萬片削山門峯
高天柱雲常護障擁霞屏花正繁握手筆峯談未盡別
途燈火亂前邨張任學夜入靈巖寺詩曲折清溪十
里程照溪白石夜猶明暗看峭壁猶知勝細認積峯
不識名似入武陵迷處路疑從天姥夢中行山迴到
寺燈光出却辨雙峯碧漢撐朱守喬宿靈巖寺詩攬
結靈巖秀沉潛爽氣中雲移峯欲墮霞落障障猶紅
列珍奇態縱橫造化功月明蓮宇靜慘淡是他宮
善靈巖寺同說月詩月從天柱半西上照臨國清寒
不知寐聊復坐前軒爐薰問茗盃幽事幸相存羣峯
滂夜氣翠色爭素痕露濕光逾苦偶為巖石冷然
二三子相與澹心魂 國朝韓則愈靈巖寺詩雁山
諸名勝靈巖稱第一門徑寬且平巖蘿蔽雲日三橋
鎖寒流諸峯盡環列展旗旣孤峭天柱無能匹獨秀
宛可親玉女粲修質老僧見石拜卓筆更開逸造物
逞靈異文人載卷帙如何此神物翻令風雨鍊年久
臺殿傾遺構不可詰草深路盡迷虎狼成窟室有僧

廣雁蕩山誌

卷九

寺宇 東內谷

六

來鼓山披荆結蓬壘普願重興之勞
苦勿敢恤我聞敬作禮觀音為輔

淨名寺

十八刹之一

朱志在東內谷舊名淨明菴宋太平興

國二年建嘉祐七年浙漕李復圭愛其山水秀異奏

立淨名院八年賜額舊有維摩室今皆廢舊温州府

志崇正間僧如慧重建周清源記淨名精舍在深谷

中數過絕澗始至門前地寬平百畝果木成行列後

軒面石壁如百丈墻施志今名淨名寺在靈巖東五

里鐵城障外元燬於火明天啟間僧澄重建 國初

僧了義成之雍正三年僧嘉慶修葺乾隆十九年僧

會覺再建

明陳仁錫淨名寺序在天台遊寒明巖異之直是借
雁蕩神工鬼斧綴一二筆耳英雄欺人山靈豈能欺
我哉予尤愛淨名寺藏二靈之奧窈秘不以示人蓋
諸峯雄怪如天上倒出銀宮玉闕不數漢家建章十
二龍毋乳其子一出母腹便有擎雲之勢登萊繡千
層之海若而鐵網獲十丈之珊瑚又以淨名線天微
雨發之翕之故淨名不在二靈下澄公志恢弘其善
予讀大龍湫志云廬山瀑布直而雁蕩飛舞此得皮
毛耳且如雷霆鐘鼓之聲自湫而下潭之聲也聲自
潭而作乃知古人未嘗道龍湫一語也予直入龍湫
深處珠濺吾目古人亦并無此觀法也老僧巖疲於
送迎甚苦之及予再理遊展而不能乃知接引之惡
勤也予甚負此僧矣李五峯作雁山十記予刻而傳
之試以予作淨名導師其亦可哉何曰募重與淨名
寺疏雁山之勝甲於東維而淨名分在靈巖靈峯間
中有鐵城障水簾谷蓼花峯初月洞諸景林深境寂

廣雁蕩山誌

卷九

寺宇

東內谷

七

窅然太古竟然非人間也余往當暮秋與客刈榛蕪
深入兩傍斷崖束立萬仞仰眺青天一劃橫累其上
昔人所謂如曲池中綠水止而不波信至語也入水
簾谷是日天宇澄霽斜光正射崖端飛泉自崖下若
萬斛鮫珠流瀾瀾晶熒洞澈下注潭水瑟瑟有聲
石上蒲草皆作翠羽色足洗累劫塵土肺肝矣已薄
日暮僅一望初月洞維摩室而返每念世有靈壤若
此而寺久廢乃為猿狖所都豈非人天一大缺陷耶
今夏住山上人澄公過余曰居士每以淨名久廢為
慨曩歲在辛酉東吳陳太史從天台入吾雁蕩羽榻
若有晤實山靈有以啟之也越明年遂以甲榜冠天
下澄嘗入吳待公沐浴之暇公毅然以緣起為倡率
因題其疏端曰花村鳥山今年大中丞王公祀海上
遵海而東弭節山門澄以興復為告公檄下該邑以
次舉行則我法門中所稱時節因緣茲其候矣澄且
肩瓢觸暑而往以畢我志子盍疏其事助吾願力并
往告諸檀信余竊維地之成壞乘時廢興願建立實
若有待耳蓋天篤偉人現宰官身或以密護泥洹或

廣雁蕩山誌

卷九

寺宇 東內谷

八

以顯持世道凡情自分二諦聖教同出一如流水
 亦知前世為五祖戒吾鄉王龜齡即嚴首座後身緣
 是觀之今中丞太史庸詳知非諸佛應化法窟再來
 人乎夙與茲山緣熟今發宏願不起于遂欲成就
 種種莊嚴功德于一會頃恍若優鉢羅華出現于世
 已令末法衆生若聞若見得未曾有况吳越檀波寧
 不聞風喜捨若雲委川輸者乎若然則崇堂傑閣
 出于層崖紫翠之間隱隱已在我目端在澄公此行
 矣試問澄公不識與韓昌黎所云澄公願力堅定何
 若公曰何敢不勉遂詮語言於冊以將其行季光春
 完構淨名寺疏遊龍湫二靈如入波斯寶所珍瑰
 落世界都列又如觀武庫兵百萬森列其鋒穎是
 然不可迫眠反疑巨靈斧大奇也淨名收二靈而中
 處雄麗古深別是一番境界平田數畝溪流一灣可
 圃可農可枕可漱陳明卿太史俯殘址而慨焉與復
 意在斯乎澄公弗克就乃事不敢泥洹一日得了
 公遂大喜屬以了所未了謂了公七破蒲團慧光

映于以振雁蕩之哀起維摩之疾莫不立證無漏者
 了公勉旃從此無負太史公檀波十方如來必有歡
 喜成就不可思議功德云 國朝方向惠入淨名寺
 記雁山之秀多稱二靈介于二靈之間者淨名也寺
 傍壘崗幽塊秘深入之者窅然無塵念寺右一片屏
 障高廣秀麗頰色類秋霞可使絳芒者送目行三四
 十步有鐵城障游龍障兩障相夾露天僅丈許深數
 百仞呀然虛靜掉臂其間無埭堀氣名一線天下乃
 石澗磊落不沾土積晴可入小雨則澗水嚙石而出
 障內有珠簾谷水映日光如萬斛珠璣有洞曰維摩
 室僅容十笏不棟不茨儼然天設宜為避世士所箕
 踞惜久生荆棘猿狖纂而宮之聞春夏則鞠草蒙茸
 多螞蟻蛇蝎諸毒冬則冷氣冰人骨髓惟秋無是慮
 余與僧同行深入障中覺別開一境栩栩出塵不啻
 也 三步回頭五步坐也同行者為誰龍湫菴達本上人
 采呂夷簡淨名寺詩淨名寺下靈巖路峻壁層崖倚
 半空最愛老僧年八十一生長任翠微呻吟亦淨名

寺詩水簾谷口瀑泉飛金鼎峯前玉骨奇入院未登
居士楊升堂先謁贊皇祠菴開明月常圓滿路插青
雲半嶮巖杖履偶來聊宴坐徘徊不厭出山遲王十
朋淨名院二絕淨名却見老維摩道眼相逢語不多
待我衣冠挂神武杖藜來老此崖阿谷中有月
蛾眉水織珠簾更絕奇滿目峯巒觀未盡有僧攜
覓題詩薛嶠淨名寺詩入寺嫌僧俗獨行松逕幽夜
扉崖室寂齋磬鐵孟秋谷棧雲迷級石溪霜迸流維
摩不語坐何日病能瘳戴復古淨名寺詩林巒相掩
映巖谷獨玲瓏下置維摩室上通龍伯宮靈珠四時
雨秋水一簾風甚欲觀新月山高脚力窮元朱希晦
淨名寺詩曉入清涼境憑高意豁然山橫烟簇簇溜
滴雨涓涓靜坐維摩室因參達磨禪奏名人已遠遺
像閱千年明王至言淨名寺詩昆耶有居士何緣震
旦來似爲諾那精藍于此開山如翠鳳委水學璇
龍迴洞谷挂寒瀑彷彿紫雲裁散作摩尼珠晝夜常
皚皚崖風吹鰓鬚海月生蚌胎萬聲落磬石白日爭
喧豗奇哉廣長舌說法含春雷所以八萬衆杜口同

廣雁蕩山誌

卷九

寺宇 東內谷

九

銜枚飯依此居士天花下蓮臺國朝韓則愈淨名
寺詩峯巒行欲盡山深如太古林薄深莫測有云械
虎昔愁行旅絕今幸得其五石灘紛宿草崎嶇鮮乎
土透迤邐問淨名精藍在何許一逕入松陰高巖覆佛
宇菽粟滿平疇夕陽帶竹戶就壁置蜂房引泉灌蔬
圃山僧不化緣耕鑿安勤苦煨芋話無生禮疎志賓
主饒頭妙無窮高風誰敢侮林文煥淨名寺詩溪行
三十里隱隱一鐘聲所望惟喬本相過卽淨名藏書
僧自古賢茗客同清見說維摩洞幽思挂晚晴陳之
恕宿淨名寺詩一龕彌勒共清輝解縛談經化雨飛
我欲淨名心未許不知何日悟皈依

靈峯寺

十八剎之一

宋志在東內谷宋天聖元年僧文吉建

康定三年賜額寺傍泉石奇怪亞於靈巖而羅漢洞

尤爲絕勝

靈峰寺僅一草堂棲窮僧僧持

雁山茶烹潭水滴滴玉漿施志在淨名寺東五里靈

峯下峰巒四圍環抱泉石奇峭明宣德間廢 國朝

康熙六年僧啟運三摩重建雍正間圯乾隆十三年

僧會覺再建二十年建天王殿工始竣

宋王十朋題靈峯寺三絕家在梅溪水竹間穿雲蟻
展可曾閒雁山新入春遊眼却笑平生未見山
中大士半千身住世端能了世因應笑玉簫峯下客
馬蹄長踐利名塵 三宿靈峯不為禪茶甌隨分結
僧緣明朝杖履丹邱去帶得烟霞過海船元陳剛遊
靈巖至靈峯寺詩曉行靈巖中午入靈峯界縈紆松
徑長突兀巖石大泉生脉蟬聯林立勢迫隘雲低河
漢墮天側日車礙恍如蓬島遊迥出區宇外惟此兩
招提巖巒古稱最吾觀伯仲耳信亦擅奇怪居僧殊
厭觀過客乃深愛蕭然齋厨中饅粥缺盞菜若云歲

廣雁蕩山誌

卷九

寺宇 東內谷

十

入微常住久凋瘵夜聞風雨聲照佛青燈聯度嶺遊
石梁此興忽已懈却尋黃塘歸明月弄烟靄采希晦
靈峯寺詩塵飛不到處中有梵王家翠老娑婆樹香
浮蒼蘂花晴峯虧日月石室闕烟霞無分同禪榻飄
泉試茗芽 禪錫何年去不回空嗟遺像老岩隈山
川入眼無今古猿鳥忘機自往來老石橫空橋始架
寒潭磨月鏡初開明朝我欲看芝草攜手須登五老
臺明章元應靈峯寺詩不到靈峯二十年荒涼院宇
舊林泉千崖周匝無多地一洞空明別有天虛穴風
生潭影動遊人歌起谷聲傳過山便隔人間世何處
桃源擬學仙三花飛綴斲衣妍偃第一卧千峯碧占得
眉跨鶴仙三花飛綴斲衣妍偃第一卧千峯碧占得
烟霞不計年徐待聘靈峯寺詩靈峯不斷石門開到
處巖巒翠作堆萬丈丹梯藏太古數聲金磬發層臺
無風飛瀑常疑雨有洞藏真半是苔何日乘鸞最高
處簫聲吹徹月明來黃燦宿靈峯寺詩尋幽來此地
四顧冷于秋愛靜經三宿偷閒約再遊僧今無白足
佛古尚青頭歸路鐘聲外遙登十里舟 國朝梁社

靈峯寺詩 名山開勝域寶地萃羣靈谷靜藏三昧巖
空鑿五丁僧僧雲半榻伴我鶴中庭待遂平生志攜
琴結幔亭周清源靈峯寺詩曉聞靈峯鐘
午入靈峯寺開窓望四山時有白雲云

碧霄院 施志初名碧霄菴即古佛堂菴也 國朝康

熙八年僧守愚文執建為院近僧宗機重葺

東岡菴 施志在靈巖寺左今廢

鋤雲菴 施志在靈巖寺右今廢

回峯菴 施志在朝陽洞前今廢

亭 附樓 宅

仰止亭 施志在靈巖寺後北向靈巖取詩高山仰止

廣雁蕩山誌 卷九 寺宇 東內谷

之義

呂祖亭 施志在龍鼻水下相傳呂祖嘗遊此作亭塑

像以奉之

國朝蔣埴同張琢也遊能仁謁呂祖亭詩雁山名勝
地古刹首能仁興廢因時代遊觀志王賓聯吟還
舊散步欲尋真千古
風流在遺芳尚勒碑

觀泉亭 慎蒙記龍鼻水山半路險且隘以手捫蘿而

上至觀泉亭施志在龍鼻洞中石臺上環築欄杆不

椽不瓦以便觀覽

明陳錫觀泉亭記郡二守尹公舊令臨海臨海人南
衡子來訪之去謂之曰俞樂清吳下大雅也與之登

廣雁蕩山誌 卷九

寺宇 東內谷

三

雁山品題寄我何如應之曰諾已而會樂清相得甚
次日以明州警報不得行托其意于蔡二尹遂聯馬
攀盤嶺能仁觀龍湫日午至靈巖從西北曲折端息
上望龍鼻水仰視空洞中心目眩眩即席地坐然猶
喘不得休僧挾椅磬脊以來惡揮而勞之僧對以往
往供具如是我慨然四顧思之謂僧曰前址方丈構
亭列礎則可以待觀者亦可以免後者僧曰君為之
耶乃計材論工探所有付之畫形紙上弗棟弗楹以
無礙縱觀大書觀泉亭三字而去既歸復思曰雁山
天下奇觀靈巖又雁山第一然余尚能加點之而未
及為也是地宜烹茶烟醞幽濕纖濃凝結隱隱如雲
之騰宜伐鼓聲應空谷罨岸端關號號如雷之鳴宜
浩歌音節豪烈聽者以為龍之晚吟也宜然燭光敲
透漏望者以為電之夜爍也宜玩月寶明西懸龍
內顧而千峯萬峯奮迅四起若與爭而不定也雖竟
日夕之觀亦不足以盡其妙矣惜地未有亭不能久
坐亭且有成而再尋之興又不可知後之觀者得是
說以貽之將不以亭作為晚乎尹字少濤名尚孔楚

翠微亭 李孝光記靈峯去靈巖十里而近中路有亭

名翠微朱志在靈巖靈峯中道相去各五里許西南

入淨名寺

明董其昌登翠微亭詩烟迷楊柳洲水
拍芙蓉岸我憶南湖秋西山暮雲暝

看不足亭 朱志在靈峯洞取昔人巖前逢箇白頭翁

自道一生看不足之句而名之也陸深記亭四而看

不足為奇

觀瀑臺上數十級有看不足亭

施志旁對漱玉泉

靈異亭 施志在靈峯左側 國朝雍正九五提督陳

倫焯建

國朝陳倫焯靈異亭記雁蕩名山膾炙寰宇余于去秋嶺南高涼登吳明卿此山堂遺址追思峴山流風而談洞天福地慕想雁山勝槩不期是夏因左階而遷大荆咫尺雲峯晨夕晤對胡為曩思而今至寶有數存焉緣校閱戎行未遑蠟屐茲于壯月十有二日小隊山巡挾竹杖而履稜鞋登奇峯怪石覽飛泉靈穴無非天地奇異文章書不勝記畫難圖錄披誌步入靈峯刹詰僧會覺勒石雁蕩舊跡苔我暨山窮搜無有余語之曰諸峯離奇羅列結構自成雁蕩一大佳絕若按本索蹟毋乃刻舟求劍歟隨登刹後茶圃俯仰懸崖峭壁收覽羣峯大有佳處欲就此間勒石以表名勝僧喜遂除薛蘿削苔蘚厚可三寸出鐵柱

廣雁蕩山誌

卷九

寺宇 東內谷

三

銀鈎盈丈大書雁蕩二字余喜不自禁噫異哉山靈隆替雖由乎天而開塞闢揚實係于人湮滅已久歲時莫考今一旦而出之事豈偶然吾知雁山自茲其復盛矣因作小亭巖隈以誌山之靈事之異顏其亭曰靈異云耳

附

讀書樓 施志在靈巖寺右久廢

胡侍郎書舍 薛季宜賦過胡公之棲宅甌江雜誌彥

卿悅靈峯山水就巖石下築室讀書後為兵部侍郎

人號其巖為侍郎巖

廣雁蕩山誌卷九終